



Ramiro Rodríguez Suárez, deputado do grupo provincial do BNG na Deputación de Ourense, ao abeiro da Lei da Administración Local de Galiza e demais disposicións concordantes presentan para debate e aprobación, se procede, polo leno da corporación, a seguinte **MOCIÓN PARA INTRODUCCIÓN DE CLÁSULAS SOCIAIS NOS CONTRATOS QUE ASINA A DEPUTACIÓN**

### EXPOSICIÓN DE MOTIVOS

A entrada en vigor da Lei 30/2007, de 30 de outubro, de Contratos do Sector Público (LCSP), incrementou as posibilidades de que se poidan incorporar determinadas cláusulas sociais na contratación pública.

Con ela é posible, e desexable, introducir aspectos de políticas sociais na contratación pública, como o respecto polos dereitos laborais, a igualdade de oportunidades entre homes e mulleres, o emprego estable e de calidade, o comercio xusto, a compra responsábel na Administración ou o fomento da responsabilidade social nas empresas.

Neste marco e para potenciar a aplicación da LCSP, o Congreso dos Deputados aprobou o 23 de xuño de 2009 co apoio de todos os grupos parlamentarios unha PROPOSICIÓN NON DE LEI na que se solicitaba que se impulsara unha xestión socialmente responsable das administracións públicas mediante actuacións que favorezan a incorporación de cláusulas sociais nos concursos e contratos públicos, ao amparo da nova Lei de Contratos do Sector Público.

Mediante a inclusión de cláusulas sociais na contratación pública, as administracións non só teñen a capacidade de fortalecer os principios de solidariedade, igualdade de trato e de oportunidades nos ámbitos social e económico, senón que tamén poden contribuír a mellora do funcionamento do mercado laboral.

Neste sentido, unha contratación pública socialmente responsábel debe realizar unha aposta decidida para mellorar a inserción sociolaboral de persoas con discapacidade, así como de colectivos desfavorecidos e en risco de exclusión mediante o impulso de novas políticas activas de emprego baseadas na incorporación de cláusulas sociais na contratación por parte do sector público e das empresas privadas.

Así mesmo, as administracións públicas, a través da contratación pública, poden fomentar a igualdade de oportunidades de homes e mulleres contribuíndo deste xeito ao desenvolvemento do principio constitucional de igualdade, así como á mellora da calidade do emprego.

A utilización de ditas cláusulas sociais favorecería unha contratación pública socialmente responsabel. Estas posibilitan que as administracións públicas xeren beneficios sociais engadidos, para favorecer a cohesión social e dar respostas aos retos das políticas sociais de futuro en torno a:


1. Sustentabilidade económica das políticas sociais.
2. O aumento da rendibilidade social do investimento público para posibilitar novas formas de solidariedade, a igualdade de oportunidades e o desenvolvemento de iniciativas de economía solidaria.
3. A corresponsabilidade dos axentes sociais que desenvolven as iniciativas de economía solidaria: empresas de inserción, centros especiais de emprego, asociacións, fundacións, cooperativas, etc.

Por todo o anterior exposto SOLICITAMOS que por parte do Pleno da corporación se adoite o seguinte

### ACORDO

1. A Deputación introducirá, para os futuros contratos administrativos que subscriba, cláusulas sociais en relación co obxecto do contrato, cos criterios de solvencia técnica e profesional, coas especificacións técnicas e cos criterios de adjudicación que deberán ter a súa expresión no proceso.
2. A Deputación terá en conta a Lei de Contratos Públicos e, a efectos de contratar, a non concurrencia de prohibicións nas diferentes empresas licitadoras mediante declaracións responsábeis e outros medios de acreditación que se estipulen nos pregos de cláusulas administrativas.
3. En caso de incumprimento por parte do contratista das cláusulas sociais que se introduzan nos pregos de contratación, ou coñecida a existencia dunha sentenza firme condenatoria pola comisión de calquera feito anterior á sinatura do contrato que atente contra algún dos dereitos fundamentais recoñecidos na Constitución, o Estatuto dos Traballadores/as, ou algún dos delitos tipificados no código penal, o órgano de contratación resolverá o contrato e inhabilitará temporalmente ao contratista para volver contratar coa Deputación, podendo adjudicar o que reste do contrato á empresa que na licitación quedara en segundo lugar, e, no caso de renuncia de esta, a quen a seguiron na orde de clasificación.

Ourense, 27 de xaneiro de 2016



Asdo.: Ramiro Rodríguez Suárez

**SR. PRESIDENTE DA DEPUTACIÓN PROVINCIAL DE OURENSE**